



BOSNIA AND HERCEGOVINA
MINISTRY OF FINANCE
AND TREASURY

CENTRALNA/SREDIŠNJA HARMONIZACIJSKA JEDINICA
ЦЕНТРАЛНА ХАРМОНИЗАЦИЈСКА ЈЕДИНИЦА

Broj: 03-1-16-8-309-1/21
Sarajevo, 09.12.2021. godine

Na osnovu člana 61. stav (2) Zakona o upravi („Službeni glasnik BiH“, broj: 32/02, 102/09 i 72/17), člana 33b. stav (2) i 33f. stav (2) tačka f) i h) Zakona o finansiranju institucija Bosne i Hercegovine („Službeni glasnik BiH“, broj: 61/04, 49/09, 42/12, 87/12, 32/13, 61/14 i 98/14) i člana 3. Pravilnika o godišnjem izvještavanju o sistemu finansijskog upravljanja i kontrole u institucijama Bosne i Hercegovine („Službeni glasnik BiH“, broj: 77/15), direktor Centralne harmonizacijske jedinice Ministarstva finansija i trezora Bosne i Hercegovine, donosi

ODLUKU

o objavljivanju forme i sadržaja Godišnjeg izvještaja o sistemu finansijskog upravljanja i kontrole u institucijama Bosne i Hercegovine za 2021. godinu

Član 1. (Predmet odluke)

Centralna harmonizacijska jedinica Ministarstva finansija i trezora Bosne i Hercegovine objavljuje formu i sadržaj Godišnjeg izvještaja o sistemu finansijskog upravljanja i kontrole u institucijama Bosne i Hercegovine za 2021. godinu sa Uputstvom za izradu godišnjeg izvještaja.

Član 2. (Primjena)

- (1) Godišnji izvještaj o sistemu finansijskog upravljanja i kontrole u institucijama Bosne i Hercegovine za 2021. godinu sačinjava se popunjavanjem propisanog obrasca upitnika za samoprocjenu sistema finansijskog upravljanja i kontrole, čiji je sastavni dio izvještaj o realizaciji mjera iz Godišnjeg operativnog akcionog plana Strategije razvoja sistema internih finansijskih kontrola u institucijama Bosne i Hercegovine za 2021. godinu.
- (2) Godišnji izvještaj o sistemu finansijskog upravljanja i kontrole u institucijama Bosne i Hercegovine popunjava se u cjelosti u skladu sa Uputstvom za izradu godišnjeg izvještaja.

- (3) Sve institucije su dužne godišnje izvještaje o sistemu finansijskog upravljanja i kontrole dostaviti Centralnoj harmonizacijskoj jedinici Ministarstva finansija i trezora Bosne i Hercegovine do 15. februara 2022. godine.
- (4) Na osnovu Godišnjeg izvještaja o sistemu finansijskog upravljanja i kontrole u institucijama Bosne i Hercegovine, Centralna harmonizacijska jedinica Ministarstva finansija i trezora Bosne i Hercegovine sačinjava Godišnji konsolidovani izvještaj o sistemu finansijskog upravljanja i kontrole za 2021. godinu i dostavlja ga Vijeću ministara Bosne i Hercegovine najkasnije do 31. marta 2022. godine.

Član 3.

(Način popunjavanja i dostave)

- (1) Institucije će obrazac Godišnjeg izvještaja o sistemu finansijskog upravljanja i kontrole u institucijama Bosne i Hercegovine za 2021. godinu popunjavati u aplikaciji za mapiranje poslovnih procesa, formiranje registra rizika i izvještavanje o sistemu finansijskog upravljanja i kontrole - PIFC aplikacija.
- (2) Ovlaštenje i pristup PIFC aplikaciji za popunjavanje obrasca Godišnjeg izvještaja o sistemu finansijskog upravljanja i kontrole u institucijama Bosne i Hercegovine za 2021. godinu imaju koordinatori za finansijsko upravljanje i kontrolu, odnosno osobe zadužene za finansijsko upravljanje i kontrolu u institucijama Bosne i Hercegovine.
- (3) Popunjen obrazac Godišnjeg izvještaja o sistemu finansijskog upravljanja i kontrole u institucijama Bosne i Hercegovine za 2021. godinu se preuzima iz PIFC aplikacije i potpisan i ovjeren od strane rukovodioca institucije dostavlja Centralnoj harmonizacijskoj jedinici Ministarstva finansija i trezora Bosne i Hercegovine.

Član 4.

(Odgovornost)

- (1) Za tačnost podataka u godišnjem izvještaju o sistemu finansijskog upravljanja i kontrole odgovoran je rukovodilac institucije u skladu sa članom 4. stav (2) Pravilnika o godišnjem izvještavanju o sistemu finansijskog upravljanja i kontrole u institucijama Bosne i Hercegovine.
- (2) Odgovornost rukovodilaca institucija za blagovremeno dostavljanje izvještaja i tačnost podataka u izvještaju je dodatno istaknuta zaključkom Vijeća ministara Bosne i Hercegovine sa 173. sjednice održane 10.06.2019. godine.

Član 5.

(Svrha izvještavanja)

- (1) Svrha godišnjeg konsolidovanog izvještaja o sistemu finansijskog upravljanja i kontrole je informisanje Vijeća ministara Bosne i Hercegovine o procjeni stanja i napretku u oblasti finansijskog upravljanja i kontrole, praćenju primjene propisa iz oblasti finansijskog upravljanja i kontrole i predlaganje mjera za dalje unapređenje sistema finansijskog upravljanja i kontrole u institucijama Bosne i Hercegovine.
- (2) Poseban dio godišnjeg konsolidovanog izvještaja o sistemu finansijskog upravljanja i kontrole je izvještaj o realizaciji mjera iz Godišnjeg operativnog akcionog plana Strategije razvoja sistema internih finansijskih kontrola u institucijama Bosne i Hercegovine za

2021. godinu kojim se Vijeće ministara Bosne i Hercegovine informiše o dinamici implementacije Strategije razvoja sistema internih finansijskih kontrola u institucijama Bosne i Hercegovine za 2020-2025. godina.

Član 6.
(Objavlјivanje)

- (1) Odluka o objavlјivanju forme i sadržaja Godišnjeg izvještaja o sistemu finansijskog upravljanja i kontrole u institucijama Bosne i Hercegovine za 2021. godinu biće objavljena na web stranici Ministarstva finansija i trezora Bosne i Hercegovine www.mft.gov.ba.
- (2) Centralna harmonizacijska jedinica Ministarstva finansija i trezora Bosne i Hercegovine će posebnim aktom obavijestiti institucije o objavlјivanju ove Odluke.



DIREKTOR
Ranko Šakota